

Beste kirol batzuk Antzinaroko Grezian

Igeriketa, arraunketa, oilar-borrokak, armadun borroka, arku-tiroa... eta beste joko edo kirol askoren berri dugu, hala idatzietatik nola irudietatik. Pare bat adibide ikusiko ditugu, pilota-joko mota bi erakusteko. Lehenengoan Odiseoren aurrean feaziarrek pilota-joko erraz baten erakustaldia egiten dute. Bigarren jokoa ordea pilotarekin da baita, baina asko biziagoa.

«Polibo artetsuak egindako pilota gorritz tindaturikoa, esku artean hartu eta batek hodei gerizpetsuetara jaurtitzen zuen; besteak lurretik gora salto egin eta erraz-erraz harrapatzen zuen, oinekin lurra berriro ukitu baino lehen».

Odisea 8.370

«Pilota hartu eta gozatu egiten zuen bati eman, bestea saihestu, hirugarren bati eskuetatik kendu, beste bat geldiarazi... oihu biziz egiten zuen zarata: "kanpora, luze, beregana, gainetik, behera, gora, labur, bota berriro bira eginez"».

Antifanes, fr. 234¹

¹ [Testu honen iturria: ZZEE (1998): *Historia testu bidez*, Arabako Foru Aldundia - EHU, Gasteiz. Itzulpenaren arduradun den Gidor Bilbaoren baimenaz].